

Na osnovu člana 3. stav 3. Uredbe sa zakonskom snagom o ustanovama ("Službeni list R BiH", br. 6/92) i člana 198. Statuta grada Sarajeva ("Službene novine grada Sarajeva", br. 3/82, 1/85, 26/85, 17/86, 3/90 i 17/90), Predsjedništvo Skupštine grada Sarajeva na \_\_\_\_\_ sjednici od 13. septembra 1992. godine, donijelo je

## O D L U K U

o osnivanju Javne ustanove "Apotheke Sarajevo"

### Član 1.

Za obavljanje farmaceutске i srodne djelatnosti na teritoriji grada Sarajeva (u daljem tekstu: Grad) osniva se Javna ustanova "Apotheke Sarajevo".

### Član 2. ✓

Javna ustanova "Apotheke Sarajevo" posluje pod nazivom Javna ustanova "Apotheke Sarajevo" - P.O. Sarajevo.

Sjedište Javne ustanove "Apotheke Sarajevo" je u Sarajevu.

### Član 3. ✓

Javna ustanova "Apotheke Sarajevo" ima svojstvo pravnog lica.

### Član 4. ✓

Osnovna djelatnost Javne ustanove "Apotheke Sarajevo" je farmaceutska i srodna djelatnost, i to:

- izrada magistrálnih lijekova, proizvodnja farmaceutskih i galenskih pripravaka,
- promet na malo gotovih lijekova i drugih sredstava za zaštitu zdravlja,
- obezbjedjuje potrebne rezerve u lijekovima drugim sredstvima za sprečavanje i liječenje bolesti i sanitetskog materijala,
- laboratorijska i bromatološka ispitivanja,
- promet na malo prehrambenih i neprehrambenih proizvoda i drogerijske robe iz nomenklature proizvoda.

### Član 5. ✓

Javna ustanova "Apotheke Sarajevo" ne može promijeniti djelatnost iz člana 4. ove odluke bez saglasnosti osnivača.

### Član 6.

Osnivački ulog Javne ustanove "Apotheke Sarajevo" sastoji se od 20.000 dinara. ?

Danom stupanje na snagu ove odluke Javna ustanova "Apoteke Sarajevo" preuzima objekte i opremu i prava i obaveze bivše osnovne organizacije udruženog rada "Apoteka Sarajevo" Sarajevo koja je poslovala u sastavu RO "Udružene apoteke" Sarajevo.

Objekti i oprema iz stava 1. ove odluke su svojina osnivača.

#### Član 7.

Pitanja prava i obaveza između osnivača i Javne ustanove "Apoteke Sarajevo" koja nisu regulisana ovom odlukom uređiće se ugovorom.

#### Član 8.

Organ upravljanja u Javnoj ustanovi "Apoteke Sarajevo" je Upravni odbor od devet članova.

Jedna trećina članova Upravnog odbora, po pravilu, imenuje se iz reda stručnih kadrova zaposlenih u Javnoj ustanovi "Apoteke Sarajevo".

Predsjednika i članove Upravnog odbora imenuje i razrješava Izvršni odbor grada Sarajeva.

#### Član 9.

Organ rukovodjenja u Javnoj ustanovi "Apoteke Sarajevo" je direktor.

Direktora Javne ustanove "Apoteke Sarajevo" imenuje Upravni odbor na osnovu konkursa, uz saglasnost Izvršnog odbora grada Sarajeva.

Direktor Javne ustanove "Apoteke Sarajevo" ne može biti član Upravnog odbora.

#### Član 10.

Organ kontrole poslovanja u Javnoj ustanovi "Apoteke Sarajevo" je Nadzorni odbor od tri člana.

Predsjednika i članove Nadzornog odbora imenuje i razrješava Izvršni odbor grada Sarajeva.

Najmanje jedan član Nadzornog odbora imenuje se iz reda stručnih radnika zaposlenih u Javnoj ustanovi "Apoteke Sarajevo".

#### Član 11.

Radnici Javne ustanove "Apoteke Sarajevo" ostvaruju svoja prava u skladu sa zakonom, pravilima Javne ustanove "Apoteke Sarajevo" i kolektivnim ugovorom.

#### Član 12.

Javna ustanova "Apoteke Sarajevo" u roku od 60 dana od dana stupanja na snagu ove odluke donijeće pravila Javne ustanove "Apoteke Sarajevo", utvrditi akt o sistematizaciji radnih mjesta i preduzeti druge radnje za početak rada Javne ustanove "Apoteke Sarajevo".

Član 13.

Nadzor nad zakonitosti rada Javne ustanove "Apoteke Sarajevo" vrši Gradski sekretarijat za zdravstvo, socijalnu zaštitu, pitanja boraca i ratnih invalida.

Član 14.

Na osnovu ove odluke izvršit će se upis u sudski registar po zahtjevu ovlašćenog lica.

Član 15. ✓

Za svoje obaveze Javna ustanova "Apoteke Sarajevo" odgovara svojom svojom imovinom - potpuna odgovornost.

Osnivač Javne ustanove "Apoteke Sarajevo" je supsidijarno odgovoran za obaveze Javne ustanove "Apoteke Sarajevo".

Član 16.

Ova odluka stupa na snagu danom donošenja, a objaviće se u "Službenim novinama grada Sarajeva".

Broj: **01-012-70-55-6/92**

Sarajevo,  
**13. septembar 1992. godine**



Prof. Muhamed Keševljaković

PREDSJEDNIK PREDsjedništva  
SKUPŠTINE GRADA SARAJEVA